

QUÆSTIO MEDICA,

*Quodlibetariis disputationibus manè discutienda in Scholis Medicorum,
die Jovis 14 Decembris 1719.*

M. EMMANUELE MAURITIO DUVERNEY,
Regio Anatomæ & Chirurgiæ in Horto Regio Parisiensi Professore
designato, Doctore Medico, Præfide.

An multis in morbis elucescat corporis Mechanismus?

I.

NIHIL magis opificis sapientiam & industriam probat, quàm si opus suum ad propositum finem optimè compararit. Illud verò in humano corpore mirè elucescit, cujus artificium eò præcipuè spectat, ut in suâ crasi & texturâ, quamvis alioquin corruptioni valdè obnoxium, perduret & conservetur. Non malè machinam quamdam dixeris ad motus usque speciales incredibili arte fabricatam, quæ juxta leges & consilia summi Opificis accuratâ proportionè, servaris gradibus, distinctoque temporum ordine in naturalibus actibus procedit. Non absimile exemplum, rude tamen, in vulgaribus machinis habemus. Hæc motibus ad certum finem tendentibus instructæ sunt, quorum ratio, quantitas, determinationes à peculiari ipsarum fabricâ pendent, quod Mechanismus vocant. Sic in corpore vigenti & sano adest motuum organicorum symmetria & harmonia, undè sequitur sanguinis & humorum circuitus æqualitas, à debito fibrarum pulsu ac tono, & fluidorum quantitate, temperie, ac proportionè dependens. In variis autem animantibus variam organorum fabricam, & diversam liquidorum indolem mireris, nempe pro finis ad quem condita sunt, & usum quibus inservire debent diversitate. Ad hunc circuitum in corpore nostro sustinendum conspirant omnium partium structura, situs, connexio. Ex earum dispositione & mutuo consensu fluunt naturales animalesque functiones. Scilicet idonea conficiendo sanguini materia præparatur, dein sanguis ex eâ elicitor. Hic motu tum progressivo, tum intestino teritur, attenuatur, commiscetur intimè; ab omnibus expurgatus sordibus nutritioni partium inservire habilis evadit. Ex tenuissimis particulis liquidum illud subtilissimum subministrat, quo sensuum & motuum organa vigent. Quamdiù ergò sanguis purus & integer liberè corpus permeat, ac per vasa, nullo obstante impedimento, circuit, arcetur tum ipsius, tum manantium ex eo liquidorum inspissatio, stagnationes præcaventur, ritè peraguntur secretiones, sic nullus linquitur liquidorum depravationi locus, & servato ea inter & solidas partes æquilibrio, stat rythmus omnium functionum concentusque. His ita se habentibus corpus sanum meritò nuncupatur. Noranda etiam particularis motus sanguinis in diversis partibus variatio. Hanc facillè intelliges si modò æqualem, modò inæqualem impulsione in certas partes, per eas propulsione, & ex iis denique expulsionis vim observes. Vis illa in immensum mutari potest. Id non solum deducas à tubulorum capacitare inæquali, variisque eorum superficiebus, directionibus, proportionibus, complicationibus. Ad diversam partium circumjacentium pressionem, & textus vasorum contrahentis astrictionem aut relaxationem attende. Ipsam quoque liquorum indolem ac temperiem seu vividam seu fegnem repura, undè solidorum elater vel excitatur vel remittitur. Ex tot causarum actione multiplici, & vario concursu sequuntur multæ varietates. Sanguis è majoribus canalibus in plures minores ingrediens ibi ob multiplicatas superficies plus resistentiæ nanciscitur & contra. In obliquitatibus, curvaturis, ulteriore particulaarum suarum divisionem patitur. Præterea in variis locis, ut visceribus, glandulis, ratione

A

quâdam peculiari, nimirum diametro vasorum, & partis quam alluit singulari fabricæ, præsertim autem tono, consentaneâ progreditur. Hujus præsertim ratione modò plus, modò minùs in hac vel illâ parte premitur, exprimitur à quibuscumque, ad alias majori vel minori quantitate aut impetu appellit. In his plus minùs moratur. Variis denique modis urgetur, aut reprimitur. Indè secretionum quarundam major aut minor quantitas, celeritas. His positis deducetur faciliùs variorum morborum ætiologia. Insuper sensationes ad hoc homini datæ, ut quid salubre quid noxium sit compendiarî viâ intelligat. Sic famem quâ ad capiendos cibos, sitim quâ ad potulenta assumenda impellimur, morbos quotidianos dixeris at necessarios, imò certos remedii indices. His salubri incommodo urgentibus monemur ea quæ decet ad reparandam sive solidarum, sive fluidarum partium jacturam prosequi. Cave autem ne pro naturali sensatione habeas quod aliundè accessit, sive ex imaginationis aut ipsiusmet organi vitio, sive etiam, ut sæpe fit, ex voluptatis nimîâ cupiditate. Adde quod experimur sæpius, nimirum unâ parte laborante trahi subito in consensum vicinas, undè multoties mechanicum & naturale paratur remedii genus. Paucis id selectisque ex magnâ multitudine exemplis innotescet. Præsto est gravato ventriculo, & se aliquâ fibrarum suarum motu expedire nitenti, diaphragma succussibus opportunis per superiora noxiam sarcinam ejectionis unâ cum musculis abdominis connitentibus; vel deorsum subito conatu prorumpens subjecta viscera validè premit, violento ictu, quantum licet, si quid ea molestat exturbare conans. Auxiliare etiam musculorum abdominis in partu & in excrementorum ejectione conatus valdè utiles. Nec minùs insignes partium mutua sibi operam præstantium in sternutatione & tussi motus. Nempè cavitas abdominis subitâ ipsius musculorum contractione coarctatur, undè etiam sursum repellitur diaphragma. Sic pectus simul comprimentibus musculis expirationi inservientibus valdè angustatur. Pressis ergò undecumque pulmonibus aer forti exploditur impetu. Si nasi interiora humore quopiam vellicentur, per ea præcluso oris aditu protrudetur aer, & venti vehementis more petransiens, ea verret & expurgabit. Quæris quâ mechanica id fiat? Septum quod palati partem posteriorem occupat linguæ radici admovetur, sic laryngis cum ore commercium prohibet. Sin autem oris cavitas, aut palatum, aut faucium pars ima abstergi opus habent, id etiam efficiet aer per illas partes erumpere coactus, dum palati septum, de quo jam, attollitur, & occludit accuratè nasi ductuum foramina, quæ in imam partem faucium descendunt & referantur.

II.

LICET corpus nostrum optimè sit à summo contextum artifice, eâ tamen lege vivimus ut propriis malis & alienâ experientiâ edocti, morborum mortisque nos vestigales sentiamus. Ad illa attendenti naturalis affulget de tot ac tantarum miseriarum origo idea: Hanc firmat Religio, hominis nempè labem assignat ex quâ inter alias clades fluxit pathematum animi incredibilis quædam & vix ratione percipienda rebellio. Huius morborum iliadem adscribas. Quantas enim strages edunt non restænata pathemata! Habent tamen, saltem plurima, si intra legitimos fines contineantur, tum ad ipsius corporis conservationem, tum ad societatis vinculum, suas à summe provido Creatore destinatas utilitates. Jam ipsius quibus reparatur alimentis corpus ad corruptionem & putredinem disponitur. In fermentationem proclivis sunt. Multas sordes relinquunt in corpore. Hoc ex alvinis facibus aliisque excrementis patet; videmus autem post obitum sanguinem & humores, imò totum corpus solis ossibus exceptis, brevi temporis spatio putrescere. Excrementorum separatio, & ad certum tempus intra corpus retentio suo quidem more sanitati conducit, atque etiam necessaria est. Tamen facilem morbis anam præbet. Sæpe enim morantur diutius, vel iustâ proportionem non separantur, ex quo sequuntur multe affectiones. Hæc inter alias maxime de causâ dicas nos interna morborum semina perpetuò fore. Neque præterea mirum si machina tot conflata tubulis, tot irrigata fluentibus, tot motibus diversis iisque in unum conspirantibus, exercita, infinitis propè modis lædatur ac

tandem aliquando concidat & disrumpatur. Modò adaugetur nimis solidorum elater, & contenta fluida pellit vehementius, modò debilitatur, & plus æquo remissus minus verberat quàm par est. Sæpe etiam inusitatis & à naturali ordine alienis motibus rapiuntur. Quin etiam liquores varia solent concipere vitia, sanguis maximè. Vel enim compage principiorum solutà malè cohærent, vel ipsorum molecularum crassitie & spissitudine excedunt, vel crassi & indole mutata acriores evadunt. Insuper actione mutuâ & reciproca ex solidorum anomalis pervertuntur fluida, ex depravatione fluidorum solida perturbantur. Sic affecto quâcunque de causâ utrolibet genere (quot autem causæ tum ab assumptis, tum ab animi pathematis, tum ab externis corporibus infestant!) pessumdatur partium symmetria, turbatur sanguinis circuitus, secretiones vitiantur, functiones labefaciuntur, hinc morbus. Non tamen ideò desperandum. Cum motuum naturalium directiones, modos, gradus, tempora mutari vides, cogita liquores ab indole sua descivisse, natives solidorum oscillationes perturbatas intellige, latentemque pestem subodorare. Ad eam depellendam idonei ut plurimum instituuntur motus, machinâ ipsâ sibi quantum potest organorum suorum viribus præstans auxilium ferente. Sic inter ea quæ perniciem corpori inferre aut minari videntur, salubria naturæ conamina sæpè sæpiùs deprehendas. Mirabilem sanè organismi effectum qui etsi in nonnullis casibus obscurus sit nec satis obviu, in aliis sopitus aut penitus extinctus videatur, in quibusdam conspicuus est & evidens, iis præsertim qui genium morborum & naturæ in his nifus ac molimina perspexere.

III.

QUOD de morbo generatim dixit Sydenhamius eum esse conanien naturæ exterminacionem materiæ morbificæ molientis, de multis revera morbis affirmari potest. Exemplum à febre desumamus, morbo frequentissimo, qui non rarò præsidio est. In eâ augetur motus sanguinis tum progressivus tum intestinus. Spasmo qui plerumque febrilis motus initia occupat angustantur primùm vasorum diametri, dein per eas increbesciente cordis pulsus & ingeminatis arteriarum vibrationibus, valido abreptus impetu dividitur sanguis, attenuatur. Quin etiam sæpius auctâ simul ipsius partium fermentatione faciliùs eluuntur & dissolvuntur viscida, tolluntur obstructions, insensî demum humores ad exitum parantur, & per emunctoria denique ejiciuntur. Sic febris liquores subigit, eorum moram vincit, circulum promovet, quod noxium est expellit, & secretiones alioquin perituras restaurat. Ephemeræ beneficio coqui humores, sanguinem expurgari, heterogenea subigi ac per urinas aut sudores expelli ferè omnes experiuntur. In synochis quibusdam plethora imminuitur, sanguis atteritur. Quam fluxilis ex his febribus evadat monstrant sudores critici. Plethoram verò indicant narium hæmorrhagiæ quarto vel septimo die contingentes, quæ est crisis species in junioribus frequentior. Hæret in primis viis aliisve abdominis visceribus viscosa materia? Tertianæ aut quartanæ auxilio dissolvitur, incidetur. Quidam suspicantur in utrâque sanguinem alstricto corporis habitu ad interiora repressum, ex morâ & congestione serum suppeditare, quod viscida illi materiæ eluenda inserviat, undè etiam frigus quartanarium longius ob majorem humoris tenacitatem, Furit bilis in intestinis? Ipsâ vellicatione ac fermentatione, humorum, lymphæ præsertim, affusionein provocat, ut materia illa noxia temperetur, eluatur, & per varios viscerum motus exprimatur, ut contingit in biliosis febribus cum finem suum natura assequitur. Quàm necessaria sit natura humoris evacuatio ex indole ipsius patet, ardores enim atque etiam excoriaciones insignes tum in faucibus ab hujus generis vomitu, tum in intestino recto ab ejusmodi diarrhæis eveniunt. Ubi lymphæ acris & ad stagnationes prona partis alicujus erosionem minatur, videas febres catharrhales dictas excitari, quæ leni & lentâ commotione, at regulari, lympham attenuant, quapropter serosæ partes per diaphores in paulatim extrudentur. Sic abstersâ & dissipatâ materiâ prævertitur saniosa & ichorosa ulceratio brevi sphacelosâ putredine excipienda. Sunt etiam qui opinentur febrem hecticam quæ ut ex schirro ita & ulcere

visceris cujuspiam oritur, assiduâ longâque, & moderatâ eâdem sanguinis agitatione ad abstergendam mali labem, ad ea quæ exacerbant dissipanda & educenda conferre. Sic corruptionem imminentem quâ licet arceri & sum moveri dicunt. Jam in exanthematicis febribus, putâ petechialibus, purpuratis & similibus, huc spectat motus sanguinis intensior ut à centro ad peripheriam humor peccans propellatur. In his cæterisque morbis ubi humor ad cutem vergit, repercutientia ministrare artis & artificis esset dedecus. Quæ verò humoris partem distrahere & aliò ducere valent, nonnisi cum summâ prudentiâ adhibenda sunt. Notandæ imprimis variolæ, morbillis longe graviiores. In utroque morbo inflammatio, in illo magis spectabilis. Per duos tres-ve priores dies, quod est separationis materiæ tempus, particulæ inflammatae digeruntur coquanturve, nimirum plerumque febris ope, quæ tunc præcipuè dominatur. Illæ deindè particulæ in habitum corporis ablegantur, ubi eas maturari necesse est, quod ut fiat febris auxilio opus est, quæ puri conficiendo inservit, per exituos cutis abscessus erupturo. Multum in hoc morbo natura potest, quæ sibi permixta sæpè negotium suum suo tempore exequitur, materiamque debito ordine ac viâ fecernit, tum etiam expellit, ut (in junioribus præsertim vegetisque temperamentis) nostrâ ope nostris artificiis atque auxiliis non indigeat, suis viribus optimè instructa, suis opibus locuples si o denique ingenio satis edocta, ut medici in cognitione variolarum versatissimi verbis utar. Non autem debet nisi sensum lentoque gradu fieri separatio ut opportuniùs ad universalem quandam deveniat despumationem. Nec nimium assurgat nec intempestivè minuat ebullitio. Cum autem morbus ad alteram periodum pervenit, hoc est expulsionis tempus, moderatus calor decet, mediumque quoddam inter extrema ut priori tempore tenendum est. Frigus quidem pustularum emptioni prorsus nocet. Nec verò minus noceat calor nimius variis modis expulsionis inchoatæ insensus. Habes in variolis conspicuam inflammationis speciem, quæ tunc in papillis cutis sedem habet. Hujus generalem theoriam desideras? Finge animo sanguinem ad partem affectam propulsum uberius, ut flagrantis portionis putredo præcaveatur. Nempe cruor arteriosus in minimis moratus canalibus, putâ reticularibus arteriarum ramulculis, vel lymphaticorum arteriosorum initiis, à fortiori reliqui cruoris motu atteritur. A sanguine tum hærente tum copiosius affluente tumor. Calor ab agitatâ quaquaversum hujusce particulis. Hic pro sua fluxilitate etiam minutissima vasa subire aptus est. Inde rubor exquisitus ei planè similis quem arte factæ injectiones exhibent, eæ scilicet in quibus liquor ad ultimos usque vasorum fines, non exceptis lymphaticis arteriosis, se insinuavit. Cum autem sic per fibras tensas adeoque sensu exquisito donatas trajiciatur sanguis, dolor inde vehemens sequatur necesse est. Hic à feriente continuo arteriarum pulsu augetur, acuitur, & pulsatorius redditur. Præensione enim vel leves divulsionis concussionum ingentium vim habent. Sic coagulatus sanguis paulatim resolvitur, eluitur quod corruptum est, & à cruore præterlabente penitus abripitur discutiturque. Ablatis tenuioribus & acrioribus particulis, quæ crassior sanguinis portio supererit, sed attrita & subacta tandem in pus convertetur. Etsi autem nulla sit inflammatio in quâ sanguinis motus intensior quandam febris speciem non exhibeat, hæc verò multo insigniùs & validiùs se exerit, si sanguinis stasis in interioribus partibus sive visceribus contingat. Tunc enim majori motuum apparatu opus est, undè graviora symptomata. Ita discutiendæ stasi sanguinis in hepate, in splene, in plevra, in pulmonibus, in cerebri meningibus & allis locis aptæ sunt & utiles inflammatoriae febres, ex variis partibus quarum occasione nascuntur, nomina singularia mutuata. Quò majus autem periculum, eò vehementiores motus ut in febribus pestilentibus atque ipsa peste, animadvertas.

I V.

MAGIS ac magis elucescet corporis mechanismus, si febrium quas in exemplum attulimus naturæ & effectibus periodorum atque etiam crismum accuratior notitia subjungatur. Periodi nomine venit circuitus sive ambitus quidam quo temporis portio aut

res quæpiam circumscribitur, ita ut ab antecedentibus & consequentibus distinguatur. Sic periodus in febribus vocatur tota illa duratio quæ universam febrem ab initio ad finem usque, & ipsos adeo paroxysmos comprehendit, cuiusmodi est in acutis duratio per septenos, etiam secundâ & tertiâ quoque vice repetitos dies; nec verò universus ille tantum ambitus seu duratio, sed etiam ipsi paroxysmi quos breves periodos vocare liceat, definita tempora observant. Quid enim aliud sunt paroxysmi nisi statæ commotiones modò quotidie modò interpositis diebus se subsequentes? Porro constat illos iisdem horis aut saltem quàm proximè ad easdem citius aut tardius, pro variâ ægrotantium naturâ aut diversâ anni tempestate recurrere; etsi eorum vehementia remittat vel duratio brevietur. Tam regulares, tam ordinarias motuum series à mechanicis legibus pendere manifestum est. Nimirum in Physicis ut effectus quidam producatur certa causæ agentis desideratur vis ac proportio, & determinato motuum numero opus est ac proinde definito tempore quo motus illi absolvantur. Sic in inflammationibus ut certa sanguinis qui in vasis stagnat portio dissolvatur, eluatur, potentia certa & motuum quantitas necessaria est, quibus sanguis ad affectam partem impulsus eam liberet & ab obstructione vindicet. Demonstrat autem experientia septem diebus hoc plerumque peragi ope illorum sanguinis circuituum qui per hoc tempus fiunt. Hinc septimo die acutæ & inflammatoriæ febres solvi consuevere. In variolis, morbillis, petechiis, purpurâ ut materia acris caustica aliarum partium quas sanguis suppeditat admisione temperetur, & sic ad secretionem & per habitum corporis excretionem reddatur idonea, certum temporis spatium desideratur, quod separationis tempus nuncupari jam diximus, scilicet tres circiter dies. His elapsis materia peccans ab internis ad exteriora progreditur. Est etiam hæc pustularum maturationi, de quâ jam egimus, definita periodus. Idem dicas de miasmate pestilenti febriumve contagiosarum materiâ, cujus correctio & evacuatio temporis mensuram & motuum quantitatem sufficientem postulat. Insignia verò morborum periodicorum exempla habemus in hæmorrhagiâ de quâ dicemus infra, in arthritide, & aliis. Potest autem illud in universum de ejusmodi morbis animadverti, mechanicas humorum commotiones, quæ iis affectibus provocandis sunt idoneæ, tum præcipuè vim suam exerere cum in statâ periodorum incidunt tempora; exempli causâ hæmorrhagia periodica consueto tempore ex leviori causâ facilius quàm extrâ illud à violentiori excitabitur. Magnam cum periodis affinitatem habet crismus theoria; si enim statî sint morborum decursus, cur non & solutiones? nempe cum vitiosus humor ita alterari nequit, ut cum reliquis jungi denuò & sociari possit, eum expelli necesse est. Tunc variis præparatur motibus ut sine noxâ per crismum, vel lentius, quod per lysim dicunt, foras amandetur. Sic præparatum humorem à naturâ evictum dicitur coctumque vocat Hippocrates. Crismus ergo quæ quidem morbi judicationem quamlibet generatim sumpta significat, strictè accepta pro felici morbi solutione habetur. Est autem evacuatio sufficiens & legitimo tempore contingens peccantis materiæ, quæ cocta, id est ad exitum antea ritè præparata fuit. Hæc evacuatio per certa corporis emunctoria peragitur. Solemnes viæ sunt per sudores, alvum, urinam, sputum, hæmorrhagiam, abscessum. Suis quæque species dignoscitur & prænuntiatur signis. Hæc, inquires, quoad Hippocratis regionem & ætatem valeant, nunc obsolevere. Responsum habet à Baglivio, qui crismum infrequentia & mali successûs causam ex eo deducit quod humores per diversas remedium seditiones distracti non possint ad criticâ desumpationis negotium statò tempore disponi. At verò etiam nunc specimina habemus spontaneorum evacuationum, quæ statis contingunt temporibus, & corpori levando interserviunt. In plerisque morborum acutorum in quibus liquorum insignis est fermentatio, certis diebus paroxysmi instituuntur, hos verò sequuntur quædam evacuationes. In tertianis inrermittentibus & continuis febribus quæ paroxysmis exacerbantur diebus imparibus id contingere videas, quibus violentiores motus & graviora sunt symptomata. Scilicet primo die sanguis mi-

noru motu concitatur, ac proinde febris mitior. At increfcit die tertio, & ſub paroxyſmi finem fit evacuatio quæ ſæpè in quarti initium incidit. Quod ſi violentior fit quinto die paroxyſmus, ipſo illo die fieri ſolet evacuatio. In utroque autem febrium genere criſis ſæpè nonniſi ſeptimo die evenit, quia tunc major ſanguinis agitatio, unde gravior paroxyſmus. Prægreſſis enim fermentationibus principia ſanguinis multum evoluta fuère, ideò evacuatione quæ paroxyſmum illum excipit commodè abigitur quicquid in ſanguine impurum eſt.

V.

LONGIUS eſſet morbos omnes qui Mechanifmum corporis arguunt recenſere, eorumque hiftoriam & naturam perfequi. Quot enim morbos, atque adeò ſymptomata reperiās, tuendo vel reſtituendo corpori idonea! utrumque præſtat hæmorrhagia nunc critica, nunc periodica. Criticam dico eam quæ morbo jam factò ſuperveniens eum ſanat. In hoc cenſu reponas hæmorrhagias in plurimis febribus ac inflammationibus contingentes, cujuſmodi ea quam ſuperiùs in ſynochâ febre obſervavimus, aut quæ in hepaticide vel ſplenitide ante quartum diem accidit, atque etiam hæmorrhoides in pleuritide & nephritide initio morbi largè fluentes. Periodicam voca eam hæmorrhagiæ ſpeciem quæ ſtatis temporum intervallis recurrit, & quæ poriffimùm præcavendis plethoræ incommodis, & vindicandis ab obſtructione partibus intervit. Frequens eſt viris vel ſingulis menſibus, vel poſt aliquot hebdomadas menſeſe repertens hæmorrhoidum fluxus. Ejus generis hæmorrhagiis ut plurimùm ſanguis quantitate excedens evacuatur, juvat reliqui progreſſivus motus. Mechanici ſunt effectus, quorum ope certa ſanguinis quantitas per partem quamdam extruditur; ſcilicet eò pelletur ſanguis exundans, ubi minor eſt reſiſtentia. Quænam autem partes faciliùs cedent irrupenti quàm quæ raræ ſunt & teneræ textura, & in quibus vaſa tenuiſſima undeque diſperſa, nec obvoluta, at in ſuperficie collocata ſerpunt? id invenias in naſi membranâ interiori, ano, & partibus aliis per quas ſanguis excerni ſolet. Ad eas præterea neceſſariò dirigitur, ſi liber ei aditus in quaſdam parere deſinat, vel ex fibrarum corrugatione, quâ vaſa capillaria comprimuntur, ſtringuntur, complicantur inter ſe, vel ex aliâ quâvis obſtruente cauſâ. Sic videmus aliquo canali obſtructo in cæteros apertos aquam redundare, & per eos fluere vehementiùs, ità ut etiam quandoque eos diſtrumpat. His adde in quibuſdam corporis locis aſcenſum cruoris difficiliorem per venas ad perpendicularum diſpoſitas. Dum verò ſanguis verſus loca hæmorrhagiis deſtinata dirigitur, ſæpè in vicinis congeritur partibus, non ſuccedente variis de cauſis ipſius excretionis, ut ſi ipſiſſitudine nimia irretiat, vel copiâ ipſe obruatur ſuâ, vel obſtet anguſtia vaſorum, tardere motus debilitas. Quod ſi ſolitæ eruptiones ſiſtantur, incredibile dictu eſt quot phænomena pariat ſanguinis qui excerni deberet coacervatio, qualis verbi gratiâ fit ex ſuppreſſâ narium conſuetâ hæmorrhagiâ, tum latè circa caput, tum in faucibus ac in ipſo quoque pectore. Pulſus circa collum & tempora validior, vaſa his locis plus ſolito conſpicua, faciei & tunicæ oculorum adnatæ rubor, internæ quaſi cujuſdam inflationis in capite ſenſatio, tenſivus, gravativus, ac punctorius dolor, quin etiam naſi & quandoque vultus eryſipelas, parotides, inflammatio tonſillarum, angina, demùm plevritis, tot ex congeſto aliàs per nares erumpere ſolito ſanguine incommoda. Sic qui frequenti venæ ſectiōni addiſti fuère, poſteâ verò eam, vitæ interim genere non mutato, omittunt, in varios incidunt capitis, oculorum, dentium, aurium dolores. Viſi ſunt præterea quidam in brachio cujus vena quondam pertundi conſueverat, ſymptomata ſingularia experti. A ſanguinis ad exitum non perveniens congeſtionibus repetere cephalalgiam ſanguineam, quæ narium hæmorrhagiâ ſolvitur, mala hypocondriaca, atque his aſſinia, quæ à copioſi & craſſioris ſanguinis congerie, ejuſque inæquali per venam portæ motu naſcuntur, & ſæpè ex ſuppreſſis hæmorrhoidibus orta, certè iis fluentibus evaneſcunt. Melancholicis autem prodeſſe hæmorrhoides, eaſque delirium ſolvere, & à multis aliis morbis liberare teſtatur Hippocrates. Hinc etiam jubet diuturnas curantem hæmorrhoidas unam ſervare, ne in hy-

dropem aut tabem incidat. Enimverò solitum hæmorrhoidum fluxum etiam si nimius sit, validioribus stypticis & narcoticis sistere periculosa alex plenum opus est. Sanguinis copiam & impetum minuere, & determinationem aliquatenus mutare tempestiva venæ sectione conceditur. Hic quoque præcipuè refrigerantibus, diluentibus, aliisve alterantibus locus est. Lienosis dysenteriam prodesse affirmat etiam Hippocrates. Ut autem ad febrem redeamus, eam ebrietati, apoplexiæ, convulsioni & tetano mederi affirmat. Juxta eundem hypochondriorum dolorem inflammationis expertem, nempe ab obstructione vel flatu, vel simili causâ productum solvit. Quartana verò melancholiam, lepram, scabiem abigit, epilepsiam antevertit, & sanat. Sic morbus morbum tollit. Idem præstant plurima symptomata. Est enim convulsio quæ febrem solvit eadem die aut alterâ, vel terciâ. Quæ autem variolarum eruptionem præcedunt convulsiones, nisi vehementia & diuturnitate excedant, eam promouunt; ab iis enim variolæ postmodum longè tranquillius & securius totum cursum absolvunt. Ità paroxysmos epilepticos in infantibus dentitione perfunctis pro instantium variolarum signo habet Sydenhamius. Eas tunc mites esse, ac boni moris, pustulas conspicuæ magnitudinis emitte, nec ferè unquam confluere observat. Quæ autem convulsiones variolis jam præcutentibus superveniunt, quamvis à materiæ retrocessione sæpè oriantur, possunt tamen aliquatenus haberi pro naturæ conatibus per ejusmodi succussus ad materiæ insensæ excretionem contendentes. Ad eam peragendam si minùs valida sit, ut solet, prudentiæ Medici erit roborantibus remediis opportunè & cautè adhibitis suppetias ferre. Pari ratione in epilepsiâ, quæ est summus motuum convulsivorum gradus, imprimis in sympathicâ, laboriosos ad amovendum noxium humorem nifus & conatus naturæ luctantis non ineptè agnoscas. Dolor etiam ad corporis conservationem conferre potest, acetbum quidem symptoma, at utile, ut quod de morbo certiores nos faciat, & ad eum depellendum naturam provocet. Scilicet fibræ nervæ variis vellicatæ modis violatam partium æconomiam, liquorumve temperiem depravatam significant, nec ullum contra omen funestius quàm ubi malum salubri illo monitore renuntiari desinit, ut in gangrænâ & sphacelo contingit, quæ doloris expertia sunt, licet quæ præcessit inflammatio aut dilaceratio gravissimos intulerit cruciatus. Dolor ergò legis optimæ & ad prævertendam machinæ ruinam utilissimæ tristis simul & necessaria est conditio. Hujus molestias tolerare decet, non incusare; & cum corrigere nefas sit, facere patientiâ leviores. Verùm si dolor nimius urgeat, in promptu habes anodyna, præstantissimum, si aptè collocetur, remediî genus, quod dolores compescendo sæpè ipsum morbum cujus occasione nati sunt sanat, aut saltè ejus sanationi dat locum, solidorum ataxias, & humorum motus effectos ad naturalem ordinem blandè & amicè revocans. Sunt præterea dolores quos ex merâ læsionis necessitate contingere non dicas, nec symptomatis annumeres, cum crism prænuntient. Sic in prorrheticis, hypochondrii tensio cum capitis gravitate & surditate, & quæ consequenter fatigant, sanguinis prænuntiant profusionem. Quosdam pro criticis habeas, eos scilicet qui partes ignobiles pervadunt, & exercent diu, maxime si nullis infelicibus stipentur signis, & adsint cotionis indicia, unde oriuntur sæpè salubres in extremis partibus tumores. Hinc Hippocrates labores qui sunt in articulis non inutiles asserit. Optimi ergò, ut Prosper Alpinus notat, dolores pedum, crurum, coxendicum, inguinum diu durantes, nec minùs in brachiis, manibus, & post aures criticè observati; & qui ad crura sunt abscessus in vehementibus ac periculosis pulmonis omnes utiles sunt. Quantum autem adversus morbos acutos auxilium præstet arthritis, quotidiana probat experientia. Porro multos tumores & abscessus licet criticos appellare, cum & priorem morbum solvant, & symptomata mitigent, hi in morbis chronicis frequentiores. Quid? passim in Hippocrate exempla utilium symptomatum invenias, sic sternutatione singultus, vomitus, & diuturnum alvi profluvium, tremore delirium quandoque solvantur. Sed modus in vasso ac propè infinito argumento servandus. Jam quævis ætas, quodvis temperamentum ex se ad certos morbos mechanicâ quâdam dispositione propendet. Sui sunt etiam

cuique sexui morbi peculiare. Fœmineus imprimis periodicis affectuum variorum præfertim hæmorrhagicorum typis est obnoxius. Si temperamenti ratio habeatur, intelligitur facile phlegmaticos affectibus catarrhalibus, febribus biliosis cholicos, plethoræ & inflammationi sanguineos, melancholicos hæmorrhagiis & hypochondriaci malis præcipuè parere. Quod ad ætates spectat, generalis morborum qui in singulis cadunt differentia à parte potissimum affectû defumitur. Nempe in pueris & adolescentibus caput, pectus in juvenibus, sequenti posthac ætate hypochondria, ac deinceps lumbos, os sacrum & coxas, pedes denique tentari observantur. De temporibus notant, si constantia sint & anni tempestiva exhibeant, boni moris & iudicatu faciles evenire morbos, sin autem inconstantia sint, inconstantes, & qui difficulter judicantur. Priores enim genium suum & naturalem indolem servant, unde consuetis symptomatibus stipantur, sua tempora legitime percurrunt, & criticis diebus usitatis solvuntur. Malè nobiscum actum esset, in tot morborum quibus obsidemur causis, nisi sæpè unius vis alteram extremam temperaret. Rarò autem concurrunt plurimæ morborum causæ, inde fit ut rariùs difficultèque ægrotemus. Quin etiam tradit Hippocrates in morbis minùs periclitari quorum naturæ, ætati, habitui, & tempori congener est magis morbus, quàm quibus nullà ex parte est consentaneus. Unde autem? nimirum illi morbi minùs à naturæ linea recedunt, quippe ex omni parte analogi. Ex iis quæ de variorum morborum naturâ, effectibus, periodis, solutionibus dicta sunt patet humani corporis machinam ita fabricatam esse, ut sibi sæpè ipsa succurrat, se ipsa tueatur. Quâ autem ratione id fiat, quibus legibus quædam partes aliis auxilientur, multis in casibus obscurum est. Sic observant pedum frigore alvum pigram solvi, ophtalmiam alvi profluvio sanari, hæmorrhagiam salubrem in hepaticide à nare dextrâ, in splenitide à sinistrâ fieri. Tales consensus ac veluti sympathias non facilè exponas. Forsan olim novæ circâ praxim medicam, sive partium fabricam & œconomiam animalem observationes, rem adhuc densis obsitam tenebris aperient. Interea ad motus illos naturæ quicumque sint, sive evidentiores sive abstrusi, attendere debet Medicus, ut qui naturæ æmulus, adiutor, ministerque sit. Nullum enim plerumque remedium eo convenientius, quod suis indicat natura moliminibus. Intendat igitur animus in distinguendis quæ à morbo fiunt commotionibus ab iis quæ propter morbum instituuntur. Neque enim idcirco motum quemquam pro insalubri habeas, quod in statu sano non veniat. Materia extranea, insolens, sanitati infensa non usitatos motus postulat. Bonum ergò dicas quod ei discutiendæ & ejiciendæ aptum est, & reverà inservit. Prostat autem sufficiens exemplorum numerus, quibus tales motus seu conamina naturæ comprobentur.

Ergò multis in morbis elucescit corporis mechanismus?

Domini Doctores disputaturi.

M. Claudius Brunet;

M. Ludovicus de Santent.

M. Emmanuel Mauritiu; an

Verney, Albus Praefet.

M. Lud. Claudius Bourdelin;

M. Michael Ludovicus Vernage,

M. Joannes-Franciscus Leaulté.

M. Raymundus Jacobus Finet;

M. Philip. Bern. de Berdegaray.

M. Jacobus Simon Gilles de la Riviere.

Proponerebat Parisiis PETRUS MALOËT, Claramontanus, Baccalaureus
Medicus, A. R. S. H. 1719. à sexta ad meridiem.